

RAMUNDINC PHAENG HOU THANRANMEI

RINGTING TI KALAIMEI BAIBAL RAMHKATHAI

TI CHAMUMCMEI BUMAENGCNUNC

1 Samuel 28:3-25

THE STORY ...



GUANGH Saul ramhsulou dat khang thaimakna ping kadun the. Philistin rickangdaic rui Israel mei suankanmei khatni meicroumei meita adaw khang guang the. Saul kalung rianra khuan the, “Samuel hei bam tuang khuan e thei tabui taanv nicho! kamei salou ni tuang e. tiki daimei muzungv tei theic kan the.

Khoutei ganthau kanmei guange khalou diu khang khatni dinclou diu khang nimak, ramsulou dat khang thai mak thina baimei muzungc khatni amuh nunc khou thanv the tiki raguang rui dau lou mak khe. Chabuan subam dauc thu kamei Raguangh khou anacna bam tuang khuan e .Tiki guangh tumei tangc thu kamei meicsime! khatni Raguangh rui samei lat ta numuc the. Kagan akhat khou ni kamei rui kailuangc khat khou bammei amuh nunc ta kalung puam na suluai ngam the. Guangh Saul rui Raguangh lat ta laalou mak khuan e, ntau thu kalung rianra katuak mei gaan khou Raguangh rui ni dauhlou dat mak khe.

Khoutei Saul rui katuang bangcnunc khou sa the, “Mangmucpui akhat ta phu tho, ai kata kachuc tat ni the.” I Samuel 28:7 Raguangh rui thu heikum mei maipa maipi khou tabui nungc sini tat nu makge tuna latdanv tei tii lou e.

(Levithou 19:31; 20:27), tiki Raguangh lat ta laa loudat mak khe.

Endor khou Mangmucpui akhat theihmei bumaengh ta kachu ngam mei nai e tutina kamei rui meic baime! lunsuna kadaeng tho tat the. Kamei rui sathe, Samuel tei adaeng khou kauh guang o.” Khoutei Mangmucpui tei rui parian laana khatni Muzung Samuel the tuna kaugang the khatni guangh khang khatsinih gaeng makmei chamh ti lou the. Nthuan, nang khatni nang nah ganthum mei guai rih bam khou theihc ngam puni the.

Hei tei kumna Saul nacnunc tei Philistinmeinunc rui dauh luai the, khatni Saul ni zam khuan the, khatni kalung ning tang khinmei na lev karanac katuang bangsaeng khou pun louna kapanti laa the. (I Samuel 31:2-4). Thou cho Saul ta Mangmucpui khou rui kachu mei - Raguangh tuang Muzung ringgethauatmei ni ram ethei rasi rui suthiam tuang cho?



KATHAIMEI

Baibal text guai paalana kakak khou hisuk gut tho.

1. Saul rui houkanmei mangtei Muzung Samuel changcdai?

I GuanghNunc 22:22 *'Nang takumbna guat nina?' twna RINGPOUC rui sa the. Bumaengh tei rui daw the, 'Ai tatna Ahab tuang muczung guay tatei the.'*

Ndauhloumei 16:14 *Mi nunc hei charynmei taanv mpeyna taanc bammei tuang nunc e.*

2. Theihmei nunc rui ringcbamei nunc ta guang kachu dat dai?

Job 14:21 *Kanac nunc tei zaw kaubna guang e, tiki kamei hei tei mak khe, kaniw zawsina bammei ta ni how dat mak khe.*

Ningtindyn 9:5, 6, 10 *Ngway, ringhmei nunc hei thu kaniw theic puni twmei thay e, tiki theihmei thu sini thay mak khe. Kaniw swan maek khe; kaniw ti hei amu pary the. Kaniw tuang , kaniw , khatni kaniw tuang ntianmei guay tei aman ngam kanthe. Mikandic khou pat bammei ramhkhath na khou sinih kaniw kazaauh dat ni tuang hamb the. ... kalam thu nang rui tat nimei theihmei kandic thangc tei taanhmei, kakhanhmei , ningting twmei guay hei nai dat lak khe*

THAILOU KHANG: Hamh e! Baibal heithu thanthiak de.Theihmei rui ramkhatsini taanv dat mak khe, khatni kandih khou pat bammei guay thay dat mak khe.

Kalumlu 115:17 *RINGHPOUC ta theihmei rui thuan makge*

Kalumlu 6:5 *Theihmei thu nangta ningtow dat mak khe.*

Job 7:10 *Kaniw kai khou ngalanc guang dat mak khe.*

Isaia 38:18 *Theihmei rui nangta thuan makge.*

Kalumlu 146:4 *Kaniw raengc loumei guay maan ngam the.*

3. Ndauhloumei latrik thei laina, theihmei khamtan nunc thau kho naibo?

Ndauhloumei 1:8 *Ai hei pu e. khatni kanthe, tiki ntaw thu ai tingsaengc ringc bam e. Theihmei khatni taruaihram (Tarou) khamvtaan abaanc khou nai e.*

THAILOU KHANG: Baibal khou thu thanthiak de. Jisu khou nade theihmei khamtaan naime. Theihmei laam khou thai khang kalat (Baibal) khou kathai nina e.

4. Thaurey khou raguangh rui mansei ta takumna kasiam bo?

Thaureyme 2:7 *Khoutei Poubauhmei Raguangh rui kandihkhrou rui laana mi khou tei rui maansei kasiam the. Kamei rui kanukwang khou thi u tina maansei tei ringc the.*

THAILOU KHANG: Damhkhrou kalang kanei patre. (1) Raguangh rui taaniang laana maansei kasiam the, khatni (2) Kanukwang khou ringhmei thi u mbunlouna maansei ringc khuan the. Hei kumna maansei hei ringhmei bumaeng su khuan the.

5. Theih e thei tabui sutha?

Ningtingdyn 12:7 *Aniu tuang hei kandih taniang guan dat puni, khatni hei tii loumei Raguangc khou hanc guang dat puni.*

THAILOU KHANG: Theih mei thu damclou mei khrou rui kadat dik tuang de. Meic pumc hei kandih taaniang guan dat puni khatni bumaengh thi u tii loumei pu Raguangh khrou handat kanthe. Baibal ruin than thiak thiak na diinclou e. Raguangh khrou hanguangdat kanmei bumaengh hei ringc mei thi u mbunlou mei tei de maansei ta kasiam mei ganv khrou. (Jacob 2:26, Job 27:3; Job 33:4) Kalumlu 104:29, 30 khrou hilou e, “nangrui kaniw thiulaa ganc pvkhrou kaniw theic e, kumna kaniw taaniang guan dat the. Tiki nangrui kaniw thi u (buamengh) tii lou pukhrou kaniw cha pat the.”

6. Theih mei nunc kaniu tabui thu tat kan?

Job 21:32 *Katuang thangc puanc tat pukhrou, tarou tei gaek lou bam puni.*

Jahon 5: 28, 29 *Thoupuni khrou guay kakhwan chuna ringc thau puni.*

THAILOU KHANG: Theih mei guay, meic gaimai nic, meic simeic nic tarou khrou bam dihe, khatni Jisu khuan chulana kaniw ringc thau dat puni kaniw tarou khrou rui kaniu suan la khang ramh e thei dandi phang khang.

LESSON 9

7. Baibal rui thu Guangh David guloumei laa tou the tuna sa e. Hei kiu kamei ntau tingkauh thangc bam tha?

Latdiutatmei 2:29 *“Achana thiu, aniu pupouc David lam khou nthanna ai rui sa ni mei thu; kamei kanthe kumna katuang aseic nganvna. aniu daeng khou nai bam e”*

Latdiutatmei 2:34 *David tingkauh thangc he.*

THAILOU KHANG: Hamh e! Apostol Pitor rui David theic kan mei lam khou nthanv na salou e. Katuang tarou khou phuplou bamdi he kamei tingkauh tat makge. Hei ruc khou Ibrimei 11:32-40 khou nthanvna salou e, latpiu mei guay tei kaniu suan phang mak he tiki meicguay na phang cham puni de (verses 39, 40)

8. Bumaengh thu theihdat numak mei de tiki meic pum na de theic ni mei tumei kiu chumdai?

Ezekiel 18:4 *“ tanpui mei (bumaengh) tei puni.”*

Job 4:17 *“ kata damhmeipu suangc nthan nuhna cho?”*

I Timothi 6:15, 16 *Guangh guay guangc, khatni kaipouc guay kamei theih makmei pu e.*

THAILOU KHANG: Aniu bumaengh the, khatni mi bumaengh hei theic de. Maansei hei theic nimei pumc de. Theicdat numak mei thu Raguangh rana de. Meic nunc rui bumaengh hei theic dat numakmei de tuna lum laana dinc bammei hei Baibal khou phang mak ge. Mi hei maansei rui kasiam mei tuang de.

9. Tabui nungc rui nthanvmei nunc khang theicdat lakni mei tii khang dai?

I Korinmei 15:51-53 *Nkhamhmei khwan chu pukhou mikkhipdak khou puni. Kalam thu bianggun muan pwkhou theic kanmei nunc tei theic dat laknimeis swna puni. Taamc maan dat lakmei khou, khatni theic nimei hei theic dat lakmei khou guanlhlou puni.*

I Thesolonikamei 4:16 *Poubaubmei kamei kahak tingkauh thangc rui keyna kauh banchara daihmei khwan rui, Raguangh tuang bianggun rui kauc puni. Mi khou kiu, Khrista khou lwmlouna kanmei nunc tei ringcthau puni.*

THAILOU KHANG: Nguay! Nthanmei nunc khang ringcthau pui nungc kiu theicdat laknimeis pumc khou ti guanlhlou puni. Meic gaimakmei nunc thu hei tei laatau ni tuang hamh e.

10. Theih meita Baibal kaluai dat dat na takum sa bo?

Jahon 11:11, 14 *“Aniu champanv Lazarus kan the ...
Lazarus theic the.”*

Metthiu 27:52 *Tarou guay laanclou the khatni nthamei
kanmei nunc mpeyna ringc thau dat the.*

2 Samuel 7:12 *Nangpu nunc lev nang kan pukhou.*

I Thesolonikamei 4:14 *Mi zaeng rui Raguang ruiJisu khou lwmlouna
kanmei nunc ta phung guang loudat puni.*

THAILOU KHANG: Theih meita Baibal khou zipmei ta sa chap lou e. Theih mei thu ramh khatsinic thai makge. Minute 15 nac bam niv tingkum bamni kalat khat de. Theih meithu katuang tarou khou zipbam tuang de Jisu rui tiring thau maksan. Theihmei bumaengh the baanchara kum tuang de ram e thei bucmei kumtuang de tuna dinc bammei tei Nthanmei latrik khou rui ramh e.

11. Kum e thei Mangmucpui, maipa khatni theih mei bumaengh ta kachu tauh de tuna sabam mei kiu thu thauc ta kachu bamtuang dai?

Ndauhloumei 16:14 *Mi nunc hei taanv mpeyna taanc
bammei ravsic tuang bumaengc nunc e.*

THAILOU KHANG: Kauh baanchara guay hei thu Raguangh tuang “Siamruaihmei bumaengc” (Ibrime 1:14) kandih meita nkhalou bammei nunc e. Seitan thei laitat kanmei tingkauh thangc rui thauc ganlou kanmei baanchara (Ndauhloumei 12:7-9) tei ni bumaengh nunc e - ravsic bumaengh nunc, meic nunc ta guat na charynmei taanv taanc mei bumaengh nunc the (Ndauhloumei 16:13, 14). Kaniw rui “ngam guay khatni maadanmei khatni saramcna ngakmei taanc mei bumaengc nunc” (2 Thesolonikamei 2:9) khatni tingpuk khou rui meic nunc hu khou maiah ngan na kandih khou ti kei ngam puni” (Ndauhloumei 13:13). Mangmucpui nunc rui theihmei bumaengh ta kachu tauc de tuna sapu e thei, kaniw kachang chang na thu Seitan thei lai kei kanmei baanchara nunc ta de. (Isaia 8:19, 20)

12. Tabui suna seitan rui maansei tihei theic kanmei bumaengh nunc ringc bam de tuna tii lum niic tuang cho?

Matthew 24:24, 25 *Kalam thu guatmei Khrista nunc khatni guatmei
Muczung nunc pat puni. Nuh e thei nunc ta nganvna zay
khang khatni taanv daih mpeyna
taanv puni.*

LESSON 9

THAILOU KHANG: Seitan tuang meic guat reyliangmei thu “Nang theic nituang hamh e”
Thaureyme 3:4. Kamei rui meicnunc ta theih mei bumaengh ringcna bamde tuna ti lum khang
katuang baanchara nunc ta, nthanmei nunc kum, Muczung kum, chumzi mei kapi sumei theic
kanmei kum, khatni tingkauh tuang baanchara kumna guang puni. (2 Korinmei 11:13-15)
Hei kumna meic millions ta guat puni. Mei kumhmei ravsi tuang bumaengh sinsiemei ti hei
“mangmucpui” tuna thai e. Mi hei kalang kanei khou rui lum bam tuang e. (1) Theihmei nunc
ringc bamde, khatni (2) kaniu rui nangta kacu nu de ram e thei nang rui ni kaniu ta kachu nu de.
Mi hei Seitan tuang su kasiliangmei ramc chamv the. Kumbam tisinih kandih mei guay rui lum na
bam e ntauc tauc Endor khou bammei “Mangmucpui” tei Samuel ta kau guang tuang hamh e tiki
gaimakmei baanchara tei rui Samuel lunv suna ti lian lou tuang de.

13. Nkham mei tingmik guang pukhou ravsi bumaengh sinsu na Seitan rui kataanc khou adi gaengc mei supuni cho?

Ndauhloumei 18:23 “Nang tuang duaic raengc rui kandih mei
guay ta the.

Ndauhloumei 18:2 “Bow kanthe, daihmei Babylon bow kanthe! Hei tei
nunc sw kan the.

Ndauhloumei 12:9 Reydouc tuang nrui, kazanc ravsic hambe thei Seitan
twana kawmei, mbaanv kapum ta

THAILOU KHANG: Seitan tuang charynmei taanv (duaih, raeng) katuang sime baanchara nunc
khou rui, kandih mei guay ta guatkan puni.

14. Simei baanchara nunc rui taanc bammei charynmei taanv ti hei Raguangh rui takum laa lou bo?

Levithouc 20:27 Thow puni kachucpui mei ta
nina e.

I Timothi 4:1 Meic gaanv saekc thu guatmei
bumaenghc nunc lat khou khatni ravsic nunc tuang riakdyn khou lunghgut
tat kan puni.

Ephisiamei 5:11 Zinghmei tuang makmei taanv guay tey lai
riu

Galatiamei 5:19-21 Meic pumc tuang taanv kapaengc khou how patmei
kiu thu mi hei e. Lungcmaanv lungmowmei, mphuam mphamei, nthah
boulahmei, ravmaengc kalum mei, raengh sinmei, karaeng
zauzihmei, agay agime, howti howkanmei, lungh puamhmei, kakhangna
ningmei zou mbamei kasau kabaumei khatni meicdowmei mi kumhmei guay
hei e.

TITHAI NBUH LOUMEI

Kathai nbuh khang tithai kasuan loumei

Kross khou kaihow meipu

Jisu rui kaihow meipu ta kros khou tingkauh tat nuange puni tuna latrian subo, “Aseic nangane i paradise khou bam cham puni the” tuna sa khou? Khrista rui sa kanmei latbam Luk 23:43 khou mei hei nthanvmei Latrik rui latdauh ti khang de. Mi nungc tei Jisu Kamei kahak tingkauh kuc kan dai?

Nthanvmei latrik thei laina kukan makge. Kamei ringcthau mei nungc tarou tuang pikuan khou tei Mary ta ariu mei gaanv khou, “Ata kahi riu, Ai apu daeng thangc tat mak he’ tuna sa kan e. Jahon 20:17 Jisu Neineic (Sunday) lauthuan sa e “Ai apu daeng thange tat mak he” tu e thei thu kamei kachaekneic (Friday) nungc tei tingkauh tat kan makge!

Kum e thei tabui suna Jisu sa tuang, “Aseic nang Aneic paradise khou bam cham puni”? Mi bam hei kabangbi Grik mei lat khou zauc e thei bapcta puni, kalam thu Grik mei nunc khou “punctuation” makge. Kumna lat hanc meiv nunc rui koma khatni baibai mei kazii pung nge tuna kaniu lou tuang de. Nang lum nicniv lumziniv koma akhat rui lat kabac hei tikalai ngame. Poubauhmei rui Luk 23:43 khou sakan mei lat bam hei kum nituang khuan e. “Ai rui nang khou kaling siakna aseic sa tuang e; Nang hei Paradais khou anei bam puni the.” Jisu rui kaling siakna samei thu hei de. Aseic, ram guayna maanhngam kani kum, aseic, ai Poubauhmei ram e thei guangh khang lui mak kum, khatni aziab guay ni pak tat ngam kan, aseic, abaan kross khou tanhsau rui hian bin khuan sini, ai nangta gulou ngam de.

Neikhat tho, kaihow meipu tei, Khrista ta laalou mei guay lev tuna, kamei rui latrian sulou kanmei thei laina ringe thau pui nungc Jisu lev paradais khou guang bam chamv puni.

Baibal khou “bumaengh” lev “thiu” tumei kabac hei tabui tei cho?

Job 27:3 khou thu “bumaengh” (spirit) lev “thiu” hei chamv de. Job rui hei kum na ni sa e mi bumaengh (spirit) ram e thei “thiu” hei anuhkuang khou nai e. Ningtou lou kho, Adam ta kasiam puigan khou Raguangh rui Adam nuhkuang khou “thiu” tii lou e (Thaureyme i 2:7). Hei zang rui meic theih pui gan khou Raguangh khou han guang dat kanmei tei thu ringmei ‘thiu’ tei de, bumaengh meic pumc khou rui kalangc baina pat makge. Baibal khou khatna sini meicpunc khou rui baina bumaengh Raguangh pam nzuan kan the tu makge meic theic pu khou.

Meic theic pukhou “bumaengh” thu tabui thangc tat kan tha?

Damhmei gan khou bumaengh hei kaneic kaariu pukhou rui pat kan e - “pumh khatni thiu”. Mic neih hei guang tinc dat maksan bumaengh hei makge. Theic pukhou mi neih hei taam kanthe. Miec pumc hei taniang guanh dat kanthe khatni thiu tei Raguangh khou han guang dat the. Bumaengh hei bai thangc tat mak ge tiki nai tan kan the. (mak the)